

Fautuaga mo Filifiliga Faigata

Sa ta'ua e Peresitene Henry B. Eyring, Fesoasoani Muamua i le Au Peresitene Sili, e uiga i se taimi na ia mulimuli ai i fautuaga faaperofeta. A'o faagasolo se tasi o konafesi aoao, sa uunaia ai e Peresitene Ezra Taft Benson (1899–1994) tagata o le au paia ia o ese mai le aitalafu—ae maise lava o aitalafu e faamaonia i fale [mokesi].

Sa saunoa Peresitene Eyring: “Sa ou faliu atu i lo’u toalua ina ua maea le sauniga ma fesili atu, ‘E te manatu e i ai se auala e mafai ona ta faia ai lena

mea?’ I le taimi muamua sa ma lē iloa se auala.” Ae i lena afiafi sa ia mafau-fau ai i se la fanua na tausagā e le’i faamanuiaina lava a la’ua taumafaiga e faatau ese atu. “Sa ma faalagolago i le Atua ma le . . . savali a Lana auauna, [o lea] na ma faia ai se telefoni. . . . Sa ou faalogoina se tali lea e oo mai i le asō o faamalosiā ai pea lo’u faatuatua i le Atua ma Ana auauna.” O le aso lava lena na tuu ai e se tamalii sana ofo i le fanua a le au Eyrings mo se aofaiga sa na o sina mea lava na tele ai nai lo le

la mokesi. Sa le’i umi ae saoloto le au Eyrings mai aitalafu (tagai i le “Faalagolago i le Atua, Ona Alu Lea ma Faia, *Liahona*, Nov. 2010, 72–73).

Atonu e le o i ai sau mokesi e totoqi, ae o le fautuaga faaperofeta e mafai ona taialaina ai oe iinei ma le taimi nei i ni faaiuga faigata e faatatau i le galuega, aoga, o se misiona, ma tafaoga faamasani. Ia talanoaina ma lou aiga po o lau tupulaga, e uiga i auala e mafai ona e mulimuli ai i le perofeta pe afai tou te faia ni faaiuga.

TAMAITI

Su’e Lou Auala

E ao ona tatou faia ni filifiliga se tele ia toe foi atu ai i lo tatou Tama Faalelagi. E mafai ona tatou faia filifiliga e sili ona lelei pe a tatou mulimuli i le perofeta.

Saili ia maua lou ala i le auala lavelave. A e oo mai i se faaiuga, vaai atu i le fautuaga a le perofeta!



Faitau tusitusiga paia
Alu i le taumatau



Tatalo
Alu i lalo ona taumatau ai lea



Faasoa atu lau molimau
Alu i le taumatau



Fesoasoani i isi
Alu i lalo ona agavale ai lea



Alu i le lotu
Alu i luga

